



05-11-2018

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

- 1. DR-mi qarasaasiami nutaarsiassani, ulloq 31. oktobari 2018-mi saqqummiunneqartumi allaaserineqartutut Inuutissarsiornermut Naalackersuisoq kiisalu Naalackersuisoqarfimmi pisortaq taamatut imallit pillugit nunat allamiut uuliasioqatigiiffiannik ataatsimeeqateqarpat suna piginnaatitsissut tunngavigalugu? Inuutissarsiornermut Naalackersuisoq Naalackersuisunit piginnaatinneqarsimappat, tamanna akissummut ilannguteqquneqarpoq?**
- 2. Iluamik paasisaqarsimanerpunga imaammammi piunasaqaataasoq uuliasioqatigiiffiit onshore-licensinik neqeroorfigineqassappata taava uuliasornissamut aningaasaliissuteqartoqarsimassasoq soorlu Naalackersuisut tamanna nammineq siunnersuutigereeraat 2019-mut Aningaasanut Inatsisissamut atatillugu?**
- 3. Inuutissarsiornermut Naalackersuisup Naalackersuisoqarfimmilu pisortap kiniserit uuliasioqatigiiffiannik ataatsimeeqateqarsimanerat Naalackersuisut qanoq isumaqarfigaat, naak ilisimalluarluarlugi massakkorpiaq 2019-mut Aningaasanut Inatsisissaq suliarineqartoq, tassanilu Naalackersuisut kissaateqarnikuusut uuliasior-nissamut aningaasaliissuteqartoqassasoq malunnartumik?**
- 4. Aatsitassarsiornermut pilersaarut nutaaq pillugu siunnersuummik qaqugu Inatsisartut saqqummiivigineqassamaarpat maannakkut pilersaarummut 2018-p naanerani atorunnaartussamut taartissamik?**

(Inatsisartunut ilaasortaq Randi Vestergaard Evaldsen, Demokraatit)

**Tunngavilersuut**

DR-p nittartagaani ulloq 31. oktobarimi allaaserisaqartoqarpoq qulequtaqartinneqartumik: " Kiniserit pissaanilissuit Kalaallit Nunaanni uuliamik ujaasinissartik eqqarsaatigaat". Tassani Inuutissarsiornermut Naalackersuisoqarfimmi pisortaq, Jørn Skov Nielsen imatut issuarneqarpoq:

"Ataatsimeeqatigaagut ingerlatseqatigiiffiit marluk (kiniserit ingerlatseqatigiiffii) oqaluttuullugillu kalaallit nunaanni suliariumannittussarsiuussisarneq pillugu aamma uuliaqarsinnaanerani. Ilumoorpoq aamma ataatsimeeqatigineri nangillugit teknikki pillugu ujarassioortortagut taakkulu teknikerii ataatsimeeqatigiissimmata".

Nangipporlu:



" Kiniserit ingerlatseqatigiiffiutaasa itinerusumik tusagaqarusullutik kissaatiginikuuat ataatsimeeqatigiinnerput nangeqqissagipput ilaatigut eqqartorumallugit akuersissutit tigussaasut, Kalaallit Nunaata 2021-mi suliariumannittussarsiuunniarlugit eqqarsaatigisai".

Naggataatigullu ima allassimasoqarpoq:

" Naalackersuisoqarfimmi pisortaq Jørn Skov Nielsen naapertorlugu ilimanarpoq Kalaallit Nunaata 2021-mi onshore-licensit amerlanerusut suliariumannittussarsiuukkumaarai. Ilaatigullu akuersissutit taakku China National Petroleum Corp -p aamma China National Offshore Oil Corp-p soqutigai".

Demokraatini Namminersorlutik Oqartussani atorfillip politikkerluni oqaaseqarnera tupaallaatigaarput. Maannakkorpiq 2019-mut Aningaasanut Inatsisissaq isumaqatigiinniutigileruttorparput ilaatigut isummerfigissallugu onshoremik uuliasiorinissamut aningaasaliissutissat 48 mio. koruunit. Eqqaasitsissutigissuara isumaqatigiinnarinerit suli ingerlammata. Tassungalu atatillugu oqaatigissallugu inissaminiippoq 2019-mut Aningaasanut Inatsisissap siullermeernerani Inatsisartuni amerlanerusuteqartut uuliasiorinissamut aningaasaliissutissat amerlaqisut akerlerimmatigit.

Uuliasiorinissamut tunngatillugu Demokraatini isumarput allanngunngilaq: Taama amerlatigisunik uuliasiorinissamut aningaasaliisoqarniarnera naaggaarparput uuliasiornermut tunngatillugu maannamut misilittakkatta takutereermassuk iluatsitsisoqartorsuunikuunngitsoq. Pitsaanerusunik tunngavissaqarnissarput amingaatigaarput taamatut ingerlaqqinnissatsinnut. Taannalu uppersaat suli ulloq mannamut takunikuunngilarput. Siusinnerusukkut tusagassiutinut nalunaarutitsinni Demokraatini nassuiarnikuuarput uppersaatit suut amingaatiginerlutigit.

Tamatuma saniatigut Aatsitassarsiornermut pilersaarut maannakkut atuuttoq ukiup naanerani naasussaavoq maannamullu nutaamik aatsitassarsiornermut pilersaarusiorinissamut Namminersorlutik Oqartussanit siunnersuummik nutaamik takunikuunngilagut.

Taamaattumik ataatsimut isigalugu tupaallannarpoq Namminersorlutik Oqartussani atorfilik kiniiserit uuliamik ingerlatseqatigiiffiinik ataatsimeeqateqaqattaarmat isumaqatigiinniarlunilu naak atorfilik isumaqatigiinniarnissaamut politikerinit piginnaatinneqarsimarpasinngikkaluartoq.

Demokraatini tamanna tupaallaatigaarput.

Taamatulli oqareerluta taava qularutigineqassanngilaq nunatta aningaasarsiorneranut iluaqutaassasoq nunarput uuliasioritunngortuugaluarpas. Misilikkaluarnikuuarpummi aamma ilaatigut Cairn Energy-p ujarlernermini milliartipaallit atornikuuai.

Taamatut ingerlatseqatigiiffiup namminersortup uuliasiorsimanera Kalaallit Nunaannut iluaqutaanikuuvoq, inuiaqatigiittut aningaasarsiornerput nukittornikuuvoq ujarlertoqarnera pissutigalugu - naatsorsuutiginnngisamik sunniutaasutut oqaatigineqartartut aqqutigalugit.



**DEMOKRAATIT**  
DEMOKRATERNE

Imaattuaannarnikuuvorli nassaartoqanngituussagalarpat ingerlatseqatigiiffiit namminersortut akisussaasarlutik. Demokraatinilu isumaqarpugut taamaattuaannartariaqartoq.

Tamanna tunngavigalugu qilanaarpunga apeqqtinnut akissutit tiginissaannut ullut sulliviit naliginnaasut qulit iluanni.